



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvartum

González Téllez, Emanuel

Francofurti Ad Moenum, 1690

Caput IV. Idem (a) Exoniensi & Vvinton. Episcopis, & Abbati Forden.

[urn:nbn:de:hbz:466:1-74533](https://nbn-resolving.org/urn:nbn:de:hbz:466:1-74533)

CAPUT III.

Idem (a) Rhotomagensi Archiepiscopo.

TRANSMISSÆ nobis litteræ tuæ continebant, quod cum Nicolaus Saget, civis tuus usque (b) ad juventutem quemdam puerum nutritivisset, uxore sua Matilde non desponsatâ cum eo cohabitante, postmodum ipsam, sicut dicitur legitime desponsavit, & de ea filios sustulit. Quibus paternam hereditatem petentibus, prædictus juvenis contradixit, gerens se filium, & heredem, quamvis à (c) vicinia, quæ ipsum filium eorum esse credebatur, spurius diceretur: prædictus verò N. & uxor ejus Matildis præfatum juvenem spurium suum, aut legitimum filium esse (d) negabant, sed dicebant, quod cum pietatis intuitu nutritivissent. Cum autem quæstio coram te mota esset, & prædictus juvenis pro eo, quod juri stare nolebat, vinculo excommunicationis sit astrictus, quid de hoc agere debeas, nos consulere voluisti. Super hoc itaque consultationi tuæ taliter duximus respondendum, quod in tali causa standum est verbo viri, & mulieris, nisi certis indicis, & testibus prædictum juvenem tibi confiteri esse eorum filium.

NOTÆ.

1. (a) *Rhotomagensi.*] Ita etiam legitur in prima collectione, *sub hoc tit. c. 3.* & post Concil. Lateran. habetur, *Idem R. Archiepiscop. Rhotomag.* id est *Rotrodo*, qui cum esset Episcopus Ebriocensis, in Præsulem Rhotomag. postulatus fuit, ut refert Chenu in *serie Archiepisc. Rhotomag.* de qua Metropoli nonnulla adduxit in *c. 24. de rescriptis.*
2. (b) *juventutem.*] Quæ incipit ab anno 25. ut notat Glossa verbo *profectus*, in proemio Sexti, & probatur in *l. non aliter 69. §. 1. ff. de legat. 3.* quæ etiam dicitur ætas virilis in *l. 1. vers. Apparet, ff. de minor. ætas robusta, in l. si maritus 15. §. lex Julia, ff. ad legem Jul. de adul. ætas perfecta, in d. l. cum filio, l. ult. C. de his, qui veniam ætatis: & sua ætas, in l. ex duobus 27. ff. de negot. gestis, l. cum pater 77. §. curatoris, ff. de legat. 2. ætas legitima, in l. 5. ff. quando dies legati: & durat juvenis usque ad quinquagesimum annum, indeque incipit senectus, *d. l. non aliter, in fine, §. item major 13. Instit. de excus. tutor. l. ult. C. qui ætate, lib. 10.* plura de juventute congesterunt Narbona de ætate anno 25. *g. 1. num. final. Hothom. de verb. juris, verbo Ætas, Cujac. ad Vlp. Marcel. in d. l. non aliter 69. §. 1. Lara de vita hominis c. 30.**
- (b) *Vicinia*, quatenus vicinia, seu fama probet

filiationem, exposui in *cap. per tuas, de probat.* ubi Commentarium hujus textus invenies.

(d) *Negabant.*] Cum vivebat videlicet, nam cum de hereditate ejus ageretur, supponitur tempore hujus litis jam decessisse; quia sicut hereditas viventis non datur, ita nec de ea agi potest, *l. is qui heredes 13. l. nec is 17. l. qui superstitis 94. ff. de acquir. heredit. vel actione vendita. Moëz observ. juris cap. 2. Gomez in l. 22. Tauri: in qua parte observandi sunt textus in l. 1. §. final. ff. de jur. & facti ign. l. qui Romæ 122. §. final. ff. de verb. obl. l. jam dubitari 86. §. 1. ff. de hered. instit. l. 1. §. 3. ff. si quis à parente, l. de hereditate 19. §. non. ff. de Castrens. pecul. l. 4. §. hoc editum, ff. si quis omiff. caus. testam. l. duo 7. ff. de manumiss. l. 1. §. si liberius, ff. si quid in fraud. patron. l. quasi sum 91. §. 1. ff. de legat. 1. l. 27. §. à patre, ff. ad Trebel. l. 14. §. sed & si dolo, ff. famul. ercisc. l. 14. ff. ut legatorum nomine, l. 1. §. si impubere, ff. de collat. honor. l. pater 10. ff. de captivis. l. juris 7. §. ult. ff. de pactis, l. 1. ff. quando dies legat. l. 1. C. de fidejus. l. 2. C. ad l. Jul. de vi. l. si vir uxori 52. §. ult. ff. de donat. inter, l. 3. §. nunc videamus, ff. de suspect. tut. l. Julianus 131. ff. de verb. obl. l. 2. §. ult. ff. de his que ut indignis, authent. contra, C. ad Trebel. Cujac. lib. 9. q. 99. Papin. in l. 47. ff. de fidejus. & lib. 19. in l. 54. ff. ad Trebel. & lib. 2. definit. Papin. in l. 36. ff. de statulib.*

CAPUT IV.

Idem (a) Exoniensi & Winton. Episcopis, & Abbati Forden.

CAUSAM, quæ inter nobiles viros F. & R. de Ardena, quondam filium Agathæ, de nativitate ipsius vertitur, vobis fratres Episcopi, & venerabili fratri nostro (b) London. Episcopo sub certa forma commisimus terminandam. (c) Verum quoniam idem F. de Ardena præfatum London. omnino habebat suspectum, pro eo quod Dominus est prædicti R. ipsum amovendum, & te, fili Abbas, loco ipsius duximus subrogandum. Per Apostolica itaque scripta vobis mandamus, atque præcipimus, quatenus de nativitate prædictæ A. rei veritatem subtiliter inquiratis, & si partibus ante vestram præsentiam convocatis, legitime vobis constiterit, quod sæpedita A. de Aureliana muliere, tempore Alani viri sui, ipsâ cum eo, tanquam cum viro suo, commorante,

D. D. Gonzal. in Decretal. Tom. IV.

U 3

nata

nata fuerit, vel quod R. filius Savarici jamdictam Avelianam matrem ipsius Agathæ, superstitite secundo viro, R. scilicet de Vindescen. publicè tenuerit eandem Agatham, et si de Radulfo filio Savarici nata fuerit, non fuisse legitimam ejusdem R. filii Savarici, omni oc. & exceptione postpositâ, & ap. pronuncietis: quia non potuit esse uxor, quæ viri sui thorum maculans, alii, dum ille viveret, jungi & cohabitare (d) præsumpserit. (e) Cæterum si adversarius suus legitimè citatus ad præsentiam vestram accedere, vel iudicio vestro parère contempserit; aut si ita, sicut nobis proponitur, se absentaverit, cum à multis retrò diebus de Anglia recessisse dicatur, & in terra postea manifestè comparuisse, neque ad præsentiam vestram accesserit, procuratorem ejus, si quem fortè reliquerit, ad præsentiam vestram nihilominus convocetis: & si procurator venerit, sive non, aut si procuratorem non dimisit, denunciationibus ad domum ejus missis, secundùm ordinem juris causam audiat attentius, & acceptis testibus alterius partis, infra tres menses post harum litterarum susceptionem, juxta dictam formam, sublatâ appellatione ad proferendam sententiam procedatis, ita quod ultra tres menses causam ipsam decidere minimè differatis, nullis obstantibus litteris, sive quæ de restitutione possessionis R. de Ardena facienda, sive quæ de possessionis iudicio Regi relinquendo fecerint mentionem, sive quibuslibet aliis, quæ antea fuerint impetratæ, aut si quas in posterum, non exposito tenore litterarum istarum, contigerit impetrari. Sanè si infra præscriptum tempus nequiveritis, vel nolueritis in eorum, quæ dicta sunt, executione procedere, nolumus quod commissio nostra debeat propter hoc expirare.

NOTÆ.

1. (a) *Exoniensi.*] Ita etiam legitur in prima collectione, *sub hoc tit. cap. 4. & in cap. 17. de offic. delegat. & in cap. 3. de dolo & contumacia*, ubi extant alia partes hujus textus: inscriptionem exposui, speciemque retuli *in d. cap. 17. de offic. deleg.*
2. (b) *Lundoni.*] Extare delegationem hanc *in cap. causam, infra hoc tit. & ideo priùs compilari debuisse textum illum, docuit Cujac. in præsentii*

fed certè rescriptum delegationis, cujus meminit Pontifex, hic non extat, licèt ejus mentio fiat *in d. cap. causam 7.* ubi secundum ad eosdem judices missum refertur.

(c) *Verum quoniam.*] Verba quæ sequuntur, extant *in d. c. causam 7. de officio delegati.*

(d) *Præsumpserit.*] Contra tradita supra *in cap. final. de eo qui duxit in matrimonium*, ex quo Commentario præfens petendum est.

(e) *Cæterum.*] Hæc pars refertur *in d. cap. 3. de dolo & contumacia.*

CAPUT V.

Idem (a) *B. Exon. Episcopo, & Abbati Forden.*

Lator præsentium R. non sine multo discrimine sui corporis ad nostram præsentiam accedens, suâ nobis conquestione proposuit, quod cum avus suus duas uxores habuerit, de quarum una ejus pater processit, de altera Hug. patrum suum sustulit, idem xl. (b) acras terræ, quæ ipsum, & patrem ejusdem R. contingerent, per violentiam detinet, nec eidem R. qui succedere in bonis paternis debet, debitam partem vult exhibere. Cum autem H. coram sæculari iudice super hoc tractus fuisset in causam, ei præsumpsit objicere, quod pater ejus non fuisset de legitimo matrimonio, & idè de hæreditate quondam avi sui nihil possit jure successorio vindicare. Tandem verò cum super quæstione nativitatis coram venerabili fratre nostro Norvicensi Episcopo fuisset diu tractatum, de mandato ipsius Episcopi idem R. testes produxit, quorum testimonio se probaturum credebat, quod pater suus de legitimo matrimonio fuerit natus. H. verò nullos testes adversus eum produxit, sed de termino in terminum causam producere nitentur, cujus tergiversationem considerans, ad nostram, sicut asserit, audientiam appellavit: sed eo veniente, altera pars per se, vel per alium suam nobis exhibere præsentiam contempsit. Nolentes itaque causam diutius protrahi, eam experientiæ vestræ committentes, d. v. p. A. f. p. m. quat. utramque partem ante vestram præsentiam convocetis, & rationibus hinc inde diligenter inquisitis, & plenius auditis, & cognitis, causam ipsam super quæstione nativitatis infra duos menses post harum susceptionem litterarum, sublato appellationis remedio terminetis. Si verò infra duos menses præfatus H. non potuerit legitimè probare, quod ei de paterna hæreditate objecerit, ex tunc sæculari Domino, sub cujus iudicio de hæreditate causam agitavit, significatis, ut pro quæstione nativitatis non dimittat, quin causam super hæreditate audiat, & decidat.

NOTÆ.